

程

唐翰林李太白詩序

唐宣州當塗縣令李陽水撰



李白字太白隴西成紀人涼武昭王暠九世  
孫蟬聯珪組世爲顯著中葉非罪謫居條支  
易姓與名然自窮蟬至舜五世爲庶累世不  
大曜亦可歎焉神龍之始逃歸于蜀復指李  
樹而生伯陽驚妾之夕長庚入夢故生而名  
白以太白字之世稱太白之精得之矣不讀

非聖之書耻爲鄭衛之作故其言多似天仙  
之辭凡所著述言多諷興自三代以來風騷  
之後馳驅屈宋鞭撻揚馬千載獨步唯公一  
人故王公趨風列岳結軌羣賢翕習如鳥歸  
鳳盧黃門云陳拾遺橫制頽波天下質文翕  
然一變至今朝詩體尚有梁陳宮掖之風至  
公大變掃地併盡今古文集遏而不行唯公  
文章橫被六合可謂力敵造化歟天寶中皇

祖下詔徵就金馬降輦步迎如見綺皓以七  
寶牀賜食御手調羹以飯之謂曰卿是布衣  
名爲朕知非素畜道義何以及此置于金鑾  
殿出入翰林中問以國政潛草詔誥人無知  
者醜正同列害能成謗格言不入帝用踈之  
公乃浪跡縱酒以自昏穢詠歌之際屢稱東  
山又與賀知章崔宗之等自爲八仙之遊謂  
公謫仙人朝列賦謫仙之詞凡數百首多言

公之不得意天子知其不可留乃賜金歸之  
遂就從祖陳留採訪大使彥允請北海高天  
師授道籙於齊州紫極宮將東歸蓬萊仍羽  
人駕丹丘耳陽冰試絃歌於當塗心非所好  
公遐不棄我乘扁舟而相顧臨當掛冠公又  
疾亟草藁萬卷手集未修枕上授簡俾余爲  
序論關雎之義始愧卜商明春秋之辭終慙  
杜預自中原有事公避地八年當時著述十

喪其九今所存者皆得之它人焉時寶應元  
年十一月乙酉也

別集序

朝散大夫行尚書職方員外郎直史館上柱國樂史述

李翰林歌詩李陽冰纂爲草堂集十卷史又  
別收歌詩十卷與草堂集互有得失因校勘  
排爲二十卷號曰李翰林集今於三館中得  
李白賦序表讚書頌等亦排爲十卷號曰李  
翰林別集翰林在唐天寶中賀祕監聞於明  
皇帝召見金鑾殿降步輦迎如見綺皓草和

元李集序  
四  
蕃書思若懸河帝嘉之七寶方丈賜食於前  
御手調羹於是置之金鑾殿出入翰林中其  
諸事跡草堂集序范傳正撰新墓碑亦略而  
詳矣史又撰李白傳一卷事又稍周然有三  
事近方得之開元中禁中初重木芍藥即今  
牡丹也開元天寶花木記云禁中呼木芍藥爲牡丹得四本紅紫  
淺紅通白者上因移植於興慶池東沉香亭  
前會花方繁開上乘照夜車太真妃以步輦

從詔選梨園弟子中尤者得樂一十六色李  
龜年以歌擅一時之名手捧檀板押衆樂前  
將欲歌之上曰賞名花對妃子焉用舊樂辭  
焉遽命龜年持金花牋宣賜翰林供奉李白  
立進清平調辭三章白欣然承詔旨由若宿  
醒未解因援筆賦之其一曰雲想衣裳花想  
容春風拂檻露華濃若非群玉山頭見會向  
瑤臺月下逢其二曰一枝紅豔露凝香雲雨

巫山在斷腸借問漢宮誰得似可憐飛燕倚  
新粧其三曰名花傾國兩相歡長得君王帶  
笑看解釋春風無限恨沉香亭北倚闌干龜  
年以歌辭進主命梨園弟子略約調撫絲竹  
遂促龜年以歌之太真妃持頗梨七寶杯酌  
西京州蒲萄酒笑領歌辭意甚厚上因調玉  
笛以倚曲每曲徧將換則遲其聲以媚之太  
真妃飲罷歛綉巾重拜上自是顧李翰林尤

異於諸學士會高力士終以脫靴爲深耻異  
曰太真妃重吟前辭力士曰始以妃子怨李  
白深入骨髓何翻拳拳如是邪太真妃因驚  
曰何翰林學士能辱人如斯力士曰以飛燕  
指妃子賤之甚矣太真妃頗深然之上嘗三  
欲命李白官卒爲宮中所捍而止白嘗有知  
鑒客并州識汾陽王郭子儀於行伍間爲脫  
其刑責而獎重之及翰林坐永王之事汾陽

功成請以官爵贖翰林上許之因而免誅翰  
林之知人如此汾陽之報德如彼白之從弟  
令問常自白曰兄心肝五臟皆錦綉邪不然  
何開口成文揮翰霧散爾傳中漏此三事今  
書於序中白有歌云吟詩作賦北牕裏萬言  
不及一杯水蓋歎乎有其時而無其位嗚呼  
以翰林之才名遇玄宗之知見而乃飄零如  
是宋中丞薦於聖真云一命不霑四海稱屈  
得非命歟白居易贈劉禹錫詩云詩稱國  
徒爲爾命壓人頭不柰何斯言不虛矣凡百  
有位無自輕焉撰集之次聊存梗槩而已時  
在繞雷州中咸平元年三月三日序



故翰林學士李公墓誌 并序

殿中侍御史李華撰

嗚呼姑孰東南青山北世有唐高士李白之墓嗚呼哀哉夫仁以安物公其懋焉義以濟難公其志焉識以辯理公其博焉文以宣志公其懿焉宜其上為王師下為伯友年六十有二不偶賦臨終歌而卒悲夫聖以立德賢以立言道以恒世言以經俗雖白死矣吾不

謂其亡矣也有子曰伯禽天然長能持幼能  
辯數梯公之德必將大其名也已矣銘曰  
立德謂聖立言謂賢嗟君之道竒於人而侔  
於天哀哉

唐翰林李君碣記

尚書膳部員外郎

劉全白撰

朝議郎行當塗縣令顧遊秦建

君名白廣漢人性倜儻好縱橫術善賦詩才  
調逸邁往往與會屬詞恐古人之善詩者亦  
不遠尤工古歌少任俠不事產業知聞京師  
天寶初玄宗辟翰林待詔因爲和蕃書并上  
宣唐鴻猷一篇上重之欲以綸誥之任委之

同列者所謗詔令歸山遂浪迹天下以詩酒  
自適又志尚道術謂神仙可致不求小官以  
當世之務自負流離輻輳竟無所成名有子  
名伯禽偶遊至此遂以疾終因葬於此文集  
亦無定卷家有之代宗登極廣拔淹瘁時君  
亦拜拾遺聞命之後君亦逝矣嗚呼與其才  
不與其命悲夫李白幼則以詩爲君所知及  
此投弔荒墳將毀追想音容悲不能止邑有

賢宰顧公遊秦志好爲詩亦嘗慕效李君氣  
調因嗟盛才冥冥遂表墓式墳乃題貞石冀  
傳於往來也貞元六年四月七日記沙門履  
文書墳去墓記一百二十步

後序

唐李陽冰序李白草堂集十卷云當時著述  
十喪其九咸平中樂史別得白歌詩十卷合  
為李翰林集二十卷凡七百七十六篇史又  
纂雜著為別集十卷治平元年得王文獻公  
溥家藏白詩集上中二帙凡廣一百四篇惜  
遺其下軼熙寧元年得唐魏萬所纂詩集二  
卷凡廣四十四篇因哀唐類詩諸編洎刻石

所傳別集所載者又得七十七篇無慮千篇  
沿舊目而釐正其彙次使各相從以別集附  
於後凡賦表書序碑頌記銘讜文六十五篇  
合爲三十卷同舍呂縉叔出漢東紫陽先生  
碑而殘缺間莫能辨不復收云夏五月晦常  
山宋敏求題

後序

李白集三十二卷舊歌詩七百七十六篇今  
千有一篇雜著六十五篇者知制誥常山宋  
敏求字次道之所廣也次道既以類廣白詩  
自爲序而未考次其作之先後余得其書乃  
考其先後而次第之蓋白蜀郡人初隱岷山  
出居襄漢之間南游江淮至楚觀雲夢雲夢  
許氏者高宗時宰相圉師之家也以女妻白

因留雲夢者三年去之齊魯居徂來山竹溪  
入吳至長安明皇聞其名召見以爲翰林供  
奉頃之不合去北抵趙魏燕晉西涉岐邠歷  
於至洛陽游梁最久復之齊魯南游淮泗  
轉徙金陵上秋浦尋陽天寶十四載  
安祿山反明年明皇在蜀永王璘節度東南  
自丹陽廬山璘迫致之璘軍敗丹陽白奔亡  
至甯松坐繫尋陽獄宣撫大使崔渙與御史

中丞宋若思驗治白以爲罪薄宜貫而若思  
軍赴河南遂釋白囚使謀其軍事上書肅宗  
薦白才可用不報是時白年五十有七矣乾  
元元年終以汙璘事長流夜郎遂汎洞庭上  
峽江至巫山以赦得釋憩岳陽江夏久之復  
如尋陽過金陵徘徊於歷陽宣城二郡其族  
人陽冰爲當塗令白過之以病卒年六十有  
四其時寶應元年也其始終所更涉如此此

白之詩書所自叙可考者也劉全白爲白墓誌稱白偶乘扁舟一日千里或遇勝景終年不移則見於白之自叙者蓋亦其略也舊史稱白山東人爲翰林待詔又稱永王璘節度揚州白在宣城謁見遂辟爲從事而新書又稱白流夜郎還尋陽坐事下獄宋若思釋之者皆不合於白之自叙蓋史誤也白之詩連類引義雖中於法度者寡然其辭閎麗雋偉殆騷人所不及近世所未有也舊史稱白有逸才志氣宏放飄然有超世之心余以爲實錄而新書不著其語故錄之使覽者得詳焉南豐曾鞏序

分類補註李太白詩目錄

春陵楊齊賢子見集註

章貢蕭士贇粹可補註

吳會後學郭雲鵬校刻

卷之一

古賦

大鵬賦

擬恨賦

惜餘春賦

愁陽春賦



李集目錄  
悲清秋賦

劔閣賦

明堂賦

大獵賦

卷之二

古風

歌詩五十九首

卷之三

樂府

遠別離

公無渡河

蜀道難

梁甫吟

烏夜啼

烏棲曲

戰城南

將進酒

行行且遊獵篇

飛龍引二首

天馬歌

行路難三首

長相思

上留田行

春日行

前有樽酒行二首

夜坐吟

野田黃雀行

笙篴謠

雉朝飛

上雲樂

夷則格上白鳩拂舞辭

日出入行

胡無人

北風行

俠客行

卷之四

樂府

關山月

獨漉篇

登高丘而望遠海

陽春歌

陽叛兒

雙燕離

山人勸酒

于闐採花

鞠歌行

幽澗泉

王昭君二首

中山孺子妾歌

荊州歌

設辟邪伎鼓吹雉子班曲

相逢行

古有所思行

父別離

白頭吟二首

採蓮曲

臨江王節士歌

司馬將軍歌

君道曲

結襪子

結客少年場行

長干行二首

古朗月行

上之回

獨不見

白紵辭三首

鳴鴈行

妾薄命

幽州胡馬客歌

卷之五

樂府

門有車馬客行

君子有所思行

東海有勇婦

黃葛篇

白馬篇

鳳笙篇

怨歌行

塞下曲六首

來日大難

塞上曲

玉階怨

襄陽曲四首

大堤曲

宮中行樂辭八首

清平調詞三首

鼓吹入朝曲

秦女休行

秦女卷衣

東武吟

邯鄲才人嫁爲廝養卒婦

出自薊北門行

洛陽陌

北上行

短歌行

空城雀

菩薩蠻

憶秦娥

卷之六

樂府

發白馬

陌上桑

枯魚過河泣

丁都護歌

相逢行

千里思

樹中草

君馬黃

擬古

折楊柳

少年子

紫駟馬

少年行二首

白鼻騮

豫章行

沐浴子

高句驪

靜夜思

綠水曲

鳳凰曲

鳳臺曲

從軍行

秋思

春思

秋思

子夜吳歌四首

對酒行

估客行

擣衣篇

少年行

長歌行

長相思

猛虎行

去婦詞

卷之七

歌吟

襄陽歌

南都行

江上吟

侍從宜春苑歌

玉壺吟

函歌行上新平長史

西嶽雲臺歌送丹丘子

元丹丘歌

扶風豪士歌

同族弟叔卿照山水壁歌

白毫子歌

梁園吟

鳴臯歌送岑徵君

鳴臯歌餞從翁清歸五厓山居

勞勞亭歌

橫江詞六首

金陵城西樓月下吟

東山吟

僧伽歌

白雲歌送劉十六歸山

金陵歌送別范宣

笑歌行

悲歌行

卷之八

歌吟

秋浦歌十七首

當塗趙少府粉圖山水歌

永王東巡歌十一首

上皇西巡南京歌十首

峨眉山月歌

峨眉山月歌送蜀僧入京

赤壁歌送別

江夏行

懷仙歌

玉真仙人詞

清溪行

訓殷明佐見贈五雲裘歌

臨路歌

古意

山鷓鴣詞

歷陽壯士勤將軍思齊歌

草書歌行

和盧侍御通塘曲

卷之九

贈

贈孟浩然

贈從兄襄陽少府皓

淮海對雪贈傅靄

贈徐安宜

贈任城盧主簿

早秋贈裴十七仲堪

贈范金卿

其二

贈瑕丘王少府

東魯見狄博通

京兆韋參軍量移東陽二首

贈丹陽橫山處士周惟長

王真公主別館贈張卿二首

贈韋祕書子春

贈韋侍御黃裳

贈薛校書

贈何判官昌浩

讀諸葛武侯傳懷贈長安崔少府

贈郭將軍

駕去溫泉後贈楊山人

溫泉侍從歸逢故人

贈裴十四

贈崔侍郎

述德兼陳情呈哥舒大夫



雪讒詩贈友人 贈參寥子

贈饒陽張司戶 贈清漳明甫姪

贈臨洛縣令皓第時被訟停官

贈郭季鷹

鄴中王大勸入高鳳石門山幽居

贈華州王司士 贈盧徵君昆弟

贈新平少年 贈崔侍郎

走筆贈獨孤駙馬

贈嵩山焦鍊師 口號贈徵君鴻

上李邕 贈張公洲革處士

卷之十

贈

秋日鍊藥院鑷白髮贈元六兄林宗

書情贈蔡舍人雄

懷襄陽舊遊贈馬少府

對雪獻從兄虞城宰

訪道安陵遇蓋還爲余造錄贈別

贈崔郎中宗之  
贈崔諮議

贈昇州王使君忠臣

贈別從甥高五  
贈裴司馬

叙舊贈江陽宰陸調

贈從孫義興宰銘

草創大還贈柳官迪

贈崔司戶文昆季

贈溧陽宋少府陟

戲贈鄭溧陽  
贈僧厓公

遊溧陽北湖亭望瓦屋山懷古

醉後贈從甥高鎮

贈秋浦柳少府  
贈崔秋浦三首

望九華山贈韋青陽仲堪

卷之十一

贈

贈王判官時余歸隱廬山屏風疊  
在水軍宴贈幕府諸侍御

贈武十七諤  
贈閻丘宿松

獄中上崔相渙

中丞宋公以吳兵赴河南

流夜郎贈辛判官

贈劉都使  
贈常侍御

贈易秀才

憶舊遊書懷贈韋太守

江夏史君席上贈史郎中

鄭太守見訪贈別

江上贈竇長史  
贈王漢陽

贈漢陽輔錄事二首

江夏贈韋南陵冰

贈盧司戶

贈從弟南平太守之遙三首

贈潘侍御論錢少陽

贈柳圓

流夜郎半道承恩

贈張相鎬二首

聞謝楊兒吟虎詞因有贈

宿清溪主人

繫尋陽上崔相渙

二首

巴陵贈賈舍人

卷之十二

贈

贈別舍人弟臺卿之江南

醉後贈王歷陽

贈歷陽褚司馬

對雪醉後贈王歷陽

贈宇文太守兼崔侍御

贈宣城趙太守悅

贈從弟宣州長史昭

於五松山贈南陵常贊府

見會公談陵陽山水有贈

贈友人三首

陳情贈友人

贈從弟冽

贈閻丘處士

贈錢徵君少陽

贈宣州靈源寺仲濬公

贈僧朝美

贈僧行融

贈黃山胡公求白鵬

登敬亭山贈竇主簿

贈汪倫

將避地剡中留贈崔宣城

獻從叔當塗宰陽冰

卷之十三

寄

安陸白兆山桃花巖寄劉侍御綰

淮南卧病書懷寄趙蕤

寄弄月溪吳山人

秋山寄張卿及王徵君

望終南山寄紫閣隱者

夕霽杜陵登樓寄韋繇

夜宿香山寺寄王方城等

春日獨坐寄鄭明府

寄淮南友人 沙丘城下寄杜甫

聞丹丘子營石門幽居

淮陰書懷寄王宗城

聞王昌齡左遷龍標遙寄

寄王屋山人孟大融

憶舊遊寄譙郡元參軍

月夜江行寄崔宗之

宿白鷺洲寄楊江寧

新林浦阻風寄友人

寄韋南陵冰 題情深樹寄象公

北山獨酌寄韋六

寄當塗趙少府炎

寄東魯二稚子 獨酌清溪寄權昭夷

禪房懷友人岑偏

卷之十四

寄

廬山謠寄盧侍御

汎彭蠡寄黃判官

書情寄從弟邠州長史昭

寄王漢陽

春日歸山寄孟浩然

流夜郎寄潯陽群官

至西塞驛寄裴隱

自漢陽歸寄王明府

望漢陽柳色寄王宰

江夏寄漢陽輔錄事

早春寄王漢陽 江上寄巴東故人

江上寄元六林宗

寄從弟宣州長史昭

涇溪東亭寄鄭少府

九日聞崔侍御遊敬亭二首

寄崔侍御

涇溪落星潭可以卜築寄何判官

早過漆林渡寄萬巨

遊敬亭寄崔侍御

三山遊金陵寄殷淑

自金流汧流翫月寄王主簿

寄上吳王三首

卷之十五

留別

魯郡堯祠亭上宴別

別魯頌

別中都明府兄

夢遊天姥吟留別

留別曹南羣官之江南

留別子兄逖裴十三



留別王司馬嵩 還山留別金門知己

夜別張五 魏郡別蘇少府

留別西河劉少府

潁陽別元丹丘之淮陽

留別廣陵諸公 廣陵贈別

留別從兄延年從弟延陵

別儲邕之剡中 留別金陵諸公

口號 金陵酒肆留別

金陵白下亭留別

別東林寺僧

竄夜郎於烏江留別宋璟

留別龔處士 贈別鄭判官

黃鶴樓送孟浩然之廣陵

過漢陽雙松亭留別族弟浮屠談皓

留別賈舍人至二首

渡荆門送別

聞李太尉出征東南留別金陵崔侍御

別韋少府  
南渡別兒童入京

別山僧  
別王山人歸布山

江夏別宋之悌

卷之十六

送

南陽送客  
送張舍人之江東

送王屋山人魏萬還王屋

送當塗趙少府赴長盧

送友人尋越中山水

送族弟凝之滁求昏崔氏

送友人遊梅湖  
送崔十二遊天竺寺

送楊山人歸天台

送溫處士歸舊居

送方士趙叟之東平

送孔巢父還山  
送楊少府赴選

錢任城六父秩滿歸京

魯郡堯祠送吳五之瑯琊

魯郡堯祠送竇明府薄華還西京

金鄉送韋八之西京

送薛九被讒去魯

秋夜送族弟沈之秦

送族弟凝

魯城北郭送張子還蒿陽

卷之十七

送

送魯郡劉長史遷弘農長史

送族弟攝宋城主簿

魯郡送杜甫  
送張十四遊河北

送裴六澤赴廬州長史

灞陵行送別  
送賀監歸四明應制

送竇司馬貶宜秦

送羽林陶將軍

送程劉二侍郎兼獨孤判官赴幕府

送姪良携妓赴會稽

送賀賓客歸越 送張遙之壽陽幕府

送裴十八歸嵩山二首

同王昌齡送族弟歸桂陽二首

送外甥鄭灌從軍三首

送于十八應舉落第還嵩山

送別

送族弟從軍安西

送梁公昌北征 送白利西征

送張秀才從軍 送崔度還吳

送祝八之江東賦得浣紗石

送侯十一 魯中送二弟赴舉

奉餞高尊師如貴道士傳道籙畢歸海

金陵送張十一再遊東吳

送紀秀才遊越 送長沙陳太守二首

送楊燕之東魯 送蔡山人

送蕭三十一之魯中兼問伯禽

送楊山人歸嵩山

送殷淑三首 送岑徵君歸鳴臯山

送范山人歸泰山

卷之十八

送

送韓侍御之廣德

白雲歌送友人

送通禪師還南陵隱靜寺

送友人 送別

送女道士褚三清遊南嶽

送友人入蜀 送趙雲卿

送李青歸南華陽川

送舍弟 送別得書字

送麴十少府 送張秀才謁高中丞

送弟昌峒鄱陽司馬作

餞校書叔雲 送王孝廉覲省

同吳王送杜秀之舉入京

送呂使君流澧州

送陳郎將歸衡陽

送趙判官赴黔府幕

送陸判官往琵琶峽

送梁四歸東平 江夏送友人

送郗昂謫巴中 江夏送張丞

送宋少府入三峽

送二季之江東 江西送友人之羅浮

宣州謝眺樓餞別

宣城送劉副使入秦

涇川送族弟錡 五松山送殷淑

送崔氏昆季之金陵

登黃山陵敲臺 送儲邕之武昌

卷之十九

訓答

訓談少府

訓宇文少府贈桃竹書筒

五月東魯行答汶上君

早秋單父南樓訓竇公衡

山中問答

答友人贈烏紗帽

訓張司馬贈墨

答湖州迦葉司馬

答崔少府遊終南翠微寺

贈李十二崔宗之

訓崔郎中

以詩代書答元丹丘

金門答蘇秀才

訓王司馬閻正字見贈

訓中都小吏魚酒見贈

訓張卿夜宿南陵見贈

訓岑勛以詩見招

答從弟幼成見贈

酬王補闕贈別

酬裴侍御對雨感時見贈

贈李十二

此詩乃攝監察御史崔成甫贈太白者附於此

酬崔侍御

翫月孫楚酒樓訪崔侍御

江上答崔宣城

答族姪贈玉泉仙人掌茶

酬裴侍御留岫師彈琴

答張相公出鎮荊州

醉後答丁十八

答裴侍御以書見招

答高山人兼呈權顧二侯

答杜秀才五松山見贈

登天柱石酬韓侍御見招

酬崔十五見招

答王十二寒夜獨酌有懷



卷之二十

遊宴

遊南陽白水登石激作

遊南陽清冷泉

尋范陽居士失道落蒼耳中

魯東門汎舟

二首

秋獵孟諸夜歸置酒

遊太山六首

與劉碭山汎宴喜亭池

携妓登梁王棲霞山

與姪良遊天竺寺

同友人舟行

過斛斯山人宿置酒

朝下過盧郎中叙舊遊

侍從遊宿溫泉宮

邯鄲南亭觀妓  
春日遊羅敷潭

陪商州裴使君遊石娥溪

陪從祖泛鵲山湖三首

春日宴北湖感古

宴鄭參卿山池 遊謝氏山亭

把酒問月

同族姪遊昌禪師山池二首

金陵鳳凰臺置酒

秋浦清溪雪夜對酒

同周剛清溪玉鏡潭宴別

遊秋浦白筍陂二首

宴陶家亭子

宴韋司馬樓船觀妓

宴興德寺南閣

汎沔州城南郎官湖

陪侍郎叔遊洞庭三首

夜泛洞庭尋裴侍御

陪族叔及賈舍人遊洞庭五首

黃龍磯南宴楊執戟治樓

銅官山醉後絕句

與常贊府遊五松山

宣城青溪

與謝良輔遊陵巖寺

遊水西簡鄭明府

九日登山

九日

九日龍山飲

九月十日即事

遊化成寺清風亭

卷之二十一

登覽

登錦城散花樓

登峨眉

大庭庫

登單父陶少府半月臺

天台曉望

早望海霞邊

焦山望松寥山

杜陵絕句

登太白峯

登邯鄲洪波臺置酒觀兵

登新平樓

謁老君廟

秋日登揚州西靈塔

登金陵謝安墩 登瓦官閣

望金陵贈族姪僧中孚

登金陵鳳凰臺 望廬山瀑布水二首

登廬山五老峯 江上望皖公山

望黃鶴樓 鸚鵡洲

九日望洞庭水軍

秋登巴陵望洞庭

與夏十二登岳陽樓

登巴陵開元寺西閣

剪落梧桐枝望滄湖

挂席江上待月有懷

金陵望漢江 秋登宣城謝朓北樓

望天門山 望木瓜山

登敬亭北二小山

過崔八丈水亭 登廣武古戰場懷古

卷之二十二

行役

安州應城玉女湯作

之廣陵宿常二南雇北居

夜下征虜亭  
下途歸石門舊居

客中行  
太原早秋

奔亡道中五首  
郢門秋懷

至鴨關驛贈裴侍御

荆門浮舟望蜀江

上三峽  
登巫山晚還題壁

早登白帝城  
秋下荆門

江行寄遠  
宿五松山下荀媪家

下涇縣陵陽溪至澁灘

下陵陽沿高溪三門六刺灘

夜泊黃山聞殷十四吳吟

宿鰕湖

懷古

西施

王右軍

上元夫人

蘇臺覽古

越中覽古

商山四皓

過四皓墓

峴山懷古

蘇武

經下邳圯橋懷張子房

金陵三首

板橋浦泛月獨酌懷謝朓

過彭蠡湖

觀石鏡

廬江主人婦

陪宋中丞武昌夜飲

望鸚鵡洲悲禰衡

宿巫山下

金陵白楊十字巷

謝公亭

紀南陵題五松山

夜泊牛渚懷古

姑熟谿

丹陽湖

謝公宅

陵歆臺

桓公井

慈姥竹

望夫山

牛渚磯

靈墟山

天門山

卷之二十三

紀閑適

與元丹丘方城寺談玄作

尋高鳳石門山中元丹丘

安州般若寺水閣納涼遇薛員外又

魯中都東樓醉起作

對酒醉題屈突明府聽

月下獨酌四首

春歸終南山松龍舊隱

冬夜醉宿龍門覺起言志

尋山僧不遇作

過汪氏別業二首

待酒不至

獨酌

友人會宿

春日獨酌二首

金陵江上遇蓬池隱者

月夜聽盧子順彈琴

青溪半夜聞笛 日夕山中忽然有懷

夏日山中 山中與幽人對酌

春日醉起言志 廬山東林寺夜懷

尋雍尊師隱居

與史郎中飲聽黃鶴樓吹笛

對酒 醉題王漢陽廳

嘲王歷陽不肯飲酒

獨坐敬亭山 自遣

訪戴天山道士不遇

秋日與張少府楚城韋公藏書高齋作

懷思

秋夜獨坐懷故山

憶崔郎中遊南陽

憶東山二首 望月有懷



對酒憶賀監

重憶

春殢沅湘有懷山中

落日憶山中

憶秋浦桃花舊遊時竄夜郎

卷之二十四

感遇

越中秋懷

效古二首

擬古十二首

感興八首

寓言三首

秋夕旅懷

感遇四首

寫懷

翰林讀書言懷

尋陽紫極宮感秋作

江上秋懷

秋夕書懷

避地司空原言懷

上崔相百憂章

萬憤詞投魏郎中

臨洞庭言懷

覽鏡書懷

田園言懷

江南春懷

詠物

聽蜀僧濬彈琴

魯東門觀刈蒲

詠鄰女東牕海石榴

南軒松

詠山樽二首

出金陵尋王侍御不遇

紫藤樹

觀放白鷹二首

觀王少府山水圖

題雍丘崔明府丹竈

觀元丹丘坐巫山屏風

求崔山人百丈崖瀑布圖

詠野草中白頭翁

流夜郎題葵葉

瑩禪師房觀山海圖

白鷺鷥

詠槿二首

白胡桃

題九丹丘潁陽山居

題瓜州新河餞族叔舍人

卷之二十五

題詠

題隨州紫陽先生壁

題元丹丘山居 題元丹丘潁陽山居

題瓜州新河餞族叔舍人

洗脚亭

勞勞亭

題金陵王處士水亭

題嵩山元丹丘山居

題江夏修靜寺

改九子為九華山聯句

題宛谿館

題東谿公幽居

雜詠

嘲魯儒

懼讒

觀獵

觀胡人吹笛

軍行

從軍行

平虜將軍妾

春夜洛陽聞笛

嵩山採菖蒲者 金陵聽韓侍御吹笛

流夜郎聞酺不預

放後遇恩不霑 宣城見杜鵑花

白田馬上聞鶯 三五七言

雜詩

閨情

寄遠十二首 長信宮

長門怨 春怨

代贈遠 陌上贈美人

閨情 代別情人

代秋情 對酒

怨情 湖邊採蓮婦

怨情 代寄情人楚詞

學古思邊 思邊

口號吳王美人半醉

折荷有贈 代美人愁鏡二首

贈段七娘

別內赴徵三首

秋浦寄內

白代內贈

秋浦感主人歸燕寄內

送內尋廬山女道士李騰空二首

贈內

在尋陽非所寄內

南流夜郎寄內

越女詞五首

浣紗石上女

示金陵子

出妓金陵子呈盧六四首

巴女詞

哀傷

哭晁卿衡

自溧水道哭王炎三首

哭宣城善釀紀叟

宣城哭蔣徵君華

卷之二十六

表類

爲吳王謝賁赴行在遲滯表

爲宋中丞請都金陵表

爲宋中丞自薦表

書類

代壽山答孟少府移文書

上安州李長史書

與賈少公書

爲趙宣城與楊右相書

與韓荊州書

上安州裴長史書

卷之二十七

序上

暮春於江夏送張祖監丞之東都序

奉薦十七翁二十四翁尋桃花源序

夏日陪司馬武公與群賢宴姑熟亭序

江夏送林公上人遊衡嶽序

金陵與諸賢送權十一序

春於姑孰亭送趙少府遷炎方序

秋於敬亭送從姑端遊廬山序

送黃鐘之鄱陽謁張使君序

早春於江夏送蔡十還家雲夢序

秋日太原南柵餞陽曲王贊賈少公石

父尹公應舉赴上都序

卷之二十八

序下

送戴十五歸衡嶽序

早夏於將軍叔宅與諸昆季送傅八之

江南序

冬日於龍門送從弟京兆參軍令問之

淮南觀省序

江夏送倩公歸漢東序

餞李副使藏用移軍廣陵序

澤畔吟序

夏日諸從弟登汝州龍興閣序

秋日於安府送孟贊府兄還都序

春夜宴從弟桃花園序

冬夜於隨州紫陽先生食霞樓上送煙

子元演隱仙城山序

卷之二十九

記

任城縣廳壁記

頌

趙公西候亭頌

崇明寺佛頂尊勝陀羅尼幢頌

讚

當塗李宰君畫讚

金陵名僧顏公粉圖慈親讚

李居士讚

安吉崔少府翰畫讚

宣城吳錄事畫讚



壁畫蒼鷹讚

師猛讚

羽林范將軍畫讚

金銀泥畫西方淨土變相讚

江寧楊利物畫讚

金鄉薛少府廳畫鶴讚

誌公畫讚

琴讚

朱虛侯讚

觀飲飛斬蛟圖讚

地藏菩薩讚

魯郡葉和尚讚

卷之三十一

銘

化城寺大鐘銘 并序

天門山銘

碑文

溧陽瀨水貞義女碑銘 并序

天長節度使鄂州刺史韋公德政碑 并序

比干碑

武昌宰韓君去思碑 并序

虞城縣令李公去思頌碑 并序

為竇氏小師祭璿和尚文

為宋中丞祭九江文

外姓書大難論 并序

縱

分類補註李太白詩卷之一

春陵楊齊賢子見 集註

章貢蕭士贊粹可 補註

吳會後學郭雲鵬 校刻

古賦 八首

大鵬賦 并序

余昔於江陵見天台司馬子微 士贊曰司馬承禎字子微

洛州人辟穀導引術無不通續仙傳以為尸解天台赤城山名上清玉平之天上應台宿

故名曰天謂余有仙風道骨可與神遊八極

之表台在台州因著大鵬遇希有鳥士贊曰淮南子八極

賦以自廣此賦已傳于世徃徃人間見之悔

其少作未窮宏達之旨中年棄之士贊曰張華叙東方

朔神異經曰崑崙有銅柱焉其高入天所謂天柱圍三千里圓如削下有回屋仙人九府

治上有大鳥及讀晉書觀阮宣子大鵬讚鄙

心陋之士贊曰晉書阮脩字宣子遂更記憶

多將舊本不同今復存于集豈敢傳諸作者

庶可示之子弟而已其辭曰

南華老仙發天機于漆園吐崢嶸之高論開

浩蕩之奇言士贊曰莊子蒙人也名周嘗為漆園吏唐天寶元年詔封南華

真人此言鯤鵬之說始於逍遙遊徵至怪于齊諧談北冥之

有魚吾不知其幾千里其名曰鯤化成大鵬

質凝胚渾脫鬢鬣于海島張羽毛于天門士贊

曰莊子逍遙遊北冥有魚其名為鯤鯢之大

不知其幾千里也化而為鳥其名為鵬鵬之背不知其幾千里也怒而飛其翼

若垂天之雲齊諧者志怪者也刷渤海之

春流晞扶桑之朝暎燁赫乎宇宙憑陵乎崑

崙一鼓一舞煙朦沙昏五嶽為之震蕩百川

為之崩奔士贊曰五嶽泰衡嵩華恒也爾乃蹶厚地揭太

清亘層霄突重溟激三千以崛起向九萬而

迅征背業逆法切太山之崔嵬翼舉長雲之縱

橫左迴右旋倏陰忽明歷汗漫以天矯排閭

闔之崢嶸士贊曰天矯飛騰貌騰簸鴻蒙扇雷霆

斗轉而天動山搖而海傾士贊曰鴻蒙自然元氣也一云海

氣也怒無所搏雄無所爭固可想像其勢髣髴

其形若乃足縈虹蜺目耀日月連軒沓拖揮

霍翕忽噴氣則六合生雲灑毛則千里飛雪

邈彼北荒將窮南圖運逸翰以傍擊鼓奔飈

而長驅燭龍銜光以照物列缺施鞭而啓途

士贊曰山海經鍾山之神名曰燭陰又名塊燭龍銜火精以照天門列缺天隙電照也

視三山杯看五湖其動也神應其行也道俱

任公見之而罷釣有窮不敢以彎弧莫不投

竿失鏃

作木切

仰之長吁

士贊曰任公子為大

任公子得若魚離而腊之自湖河以東蒼梧以北莫不厭若魚者帝羿有窮氏與吳賀北遊賀使羿射雀羿曰生之乎殺之乎賀曰射其左目羿引弓射之誤中右目羿仰首而愧終身不忘故羿之善射至今稱之

爾其雄姿壯觀映背河漢

上摩蒼蒼下覆漫漫盤古開天而直視羲和倚日以傍嘆續紛乎八荒之間掩映乎四海

之半

士贊曰八荒八方荒忽極遠之地也九夷八狄七戎六蠻謂之四海

當宵

臆之掩晝若混芒之未判忽騰覆以迴轉則

霞廓而霧散然後六月一息至于海涓欵翳

景以橫楮

章移切

逆高天而下垂憩乎泱

以兩切

潏

母黨切

之野入乎汪湟之池

士贊曰泱潏廣大也

猛勢

所射餘風所吹溟漲沸渭巖巒紛披天吳為

之怵慄海若為之躩

渠龜切

踞

女夷切士贊曰朝陽之谷有神

曰天吳是謂水伯海若海神也

巨鼇冠山而却走長鯨騰海

而下馳縮殼挫鬣莫之敢窺吾亦不測其神

怪而若此蓋乃造化之所為

士贊曰巨鼇十五舉首首冠靈

山鯨海魚也大者長千里一生數萬子常以五六月就岸生子至七八月導從其子還海中

豈比夫蓬萊之黃鵠誇金衣與菊裳耻蒼

梧之玄鳳耀綵質與錦章既御服于靈仙久

馴擾于池隍精衛殷勤于銜木鷄于元鷄於

切悲愁乎薦觴士贊曰炎帝女溺死東海中化為精衛每銜西山木石以

填東海怨溺死也海鳥曰鷄鷗止於魯東門之外是歲海多大風冬暖天鷄警

曉于蟠桃峻切七倫鳥晰之列耀于太陽王贊曰桃

都山有大樹曰桃都枝相去三千里上有天雞日初出照此木天鷄即鳴天下鷄皆隨之

未若茲鵬之逍遙無厥類乎比方不矜大而

暴猛每順時而行藏參玄根以比壽飲元氣

以充腸士贊曰列子黃帝曰谷神不死是謂玄牝玄牝之門是謂天地根戲

賜谷而徘徊馮炎洲而抑揚士贊曰賜明也

下明故稱賜谷炎洲在南海中俄而希有鳥見謂之曰偉哉

鵬乎此之樂也吾右翼掩乎西極左翼蔽乎

東荒跨躡地絡周旋天綱以恍惚為巢以虛

無為場我呼爾遊爾呼我翔于是乎大鵬許

之欣然相隨此二禽已登於寥廓而斥鷃之  
輩空見笑於藩籬

○擬恨賦

江淹嘗嘆古人遭時否塞志不伸而作恨賦太白此作終

篇擬之云

晨登太山一望蒿里松楸骨寒宿草墳毀

士贊

日挽歌薤露送王公貴人蒿里送士大夫庶人

浮生可嗟大運同此

於是僕本壯夫慷慨不歇仰思前賢飲恨而  
歿昔如漢祖龍躍羣雄競奔提劍叱咤指揮

中原東馳渤海西漂崑崙斷蛇奮旅掃清國

步握瑤圖而條昇登紫壇而雄顧一朝長辭

天下縞素若乃項王虎鬪白日爭輝拔山力

盡蓋世心違聞楚歌之四合知漢卒之重圍

帳中劒舞泣挫雄威騅

中葵切

今不逝

於鶴切

噫

何歸

士贊曰史項羽紀項王軍垓下兵少食盡漢軍及諸侯兵圍之

數重夜聞漢軍四面皆楚歌項王乃大驚曰

漢已得楚乎是何楚人之多也項王夜起飲  
帳中有美人虞氏常幸從駿馬名騅常騎之  
於是項王悲歌慷慨自為詩曰力拔山兮氣

蓋世時不利兮，雖不逝，雖不逝，兮可奈何。虞  
 兮，虞兮，奈若何。歌數闋，美人和之。項王泣數  
 行下，左右皆泣，莫能仰視。於是項王乃上馬  
 騎，麾下壯士騎從者八百餘人，直夜潰圍南  
 出，馳走。平明，漢軍覺之，令騎將灌嬰以五千  
 騎追之。項王渡淮，騎能屬者百餘人耳。項王  
 至陰陵，迷失道，問一田父。田父給曰：「左，左，乃  
 陷大澤中，以故漢追及之。」項王自度不能脫  
 乃，自刎而死。暗  
 嚙懷怒氣也。

至如荆卿入秦直度易水長

虹貫日，寒風颯起，遠籬始皇擬報太子奇謀

不成憤惋而死

士贊曰：史刺客傳燕太子質於秦，亡歸，見秦且滅六國，兵

已臨易水，恐其禍至，丹患之，因田光以交荆

秦刺秦王，臨發太子及賓客知其事者皆白  
 衣冠，以送之。至易水上，既祖，取道，高漸離擊  
 筑，荆軻和而歌，為變徵之聲，士皆垂淚涕泣。  
 又前而為歌曰：「風蕭蕭兮，易水寒，壯士一去  
 兮，不復還。」復為羽聲，愴士皆瞋目，髮盡上  
 衝冠。於是荆軻遂就車而去，終已不顧。既至  
 秦，秦王聞之，大喜，乃朝服，設九賓，見燕使者  
 成陽宮。荆卿奉樊於期頭函而秦武陽奉地圖  
 圖匣，以次進。至陞軻，取圖奉之。秦王發圖，圖  
 窮而匕見。因左手把秦王袖，右手持匕，  
 首堪之，未至身。秦王驚起，袖絕環柱而走。群  
 臣以手共搏之。是時侍醫夏無且以其所奉  
 藥囊提荆軻，秦王方環柱走，卒惶急不知所  
 為。左右乃曰：「王負劔，王負劔，遂拔以擊荆軻。  
 斷其左股，荆軻廢乃引其匕首，以擲秦王。不  
 中，中柱。秦王復擊軻，軻被八創，軻自知事不



就倚柱而笑箕踞以罵曰事所以不成者乃欲以生劫之必得約契以報太子也史鄒陽書曰荆軻慕燕丹之義欲刺秦王其精誠上感於天乃白虹貫日太子畏之若夫

陳后失寵長門掩扉日冷金殿霜凄錦衣春

草罷綠秋螢亂飛恨桃李之委絕思君王之

有違士贊曰漢書外戚傳陳皇后者長公主

午尚長公主女初武帝得立為太子長公主

有力取女為妃及即位為皇后擅寵驕貴十

餘年而無子聞衛子夫得幸幾死者數焉元

光五年坐女子楚服等為皇后巫蠱祠祭呪

詛罷退歸昔者屈原既放遷於湘流心死舊

長門宮

楚魂飛長楸聽江風之嫋嫋聞嶺嶺狃下救之

啾啾永埋骨於淶水怨懷王之不收士贊曰

原者名平楚之同姓也為楚懷王左徒上官

大夫與之同列而讒之王怒而疏屈平屈平

疾王聽之不聰讒諂之蔽明邪曲之害公方

正之不容也故憂愁幽思而作離騷離騷者

猶離憂也至蘭為令尹勸懷王入秦而不反

屈平既嫉之雖放流晷顧楚國繫心懷王令

尹子蘭聞之大怒卒使上官大夫短屈原於

頃襄王王怒而遷之屈平至江濱行吟澤畔

託辭於漁父曰寧赴湘流而葬江

魚腹中於是懷石自投汨羅以死及夫李斯

受戮神氣黯然左右垂泣精魂動天執愛子

以長別歎黃犬之無緣

士贇曰二世聽趙高之譖李斯五刑論腰

斬咸陽市斯出獄謂其中子曰吾欲與若復牽黃犬出上蔡東門逐狡兔豈可得乎遂父子相哭而

夷三族或有從軍永訣去國長違天涯遷

客海外思歸此人忽見愁雲蔽日目斷心飛

莫不攢眉痛骨技武扮切血霑衣若乃錯繡轂

填金門煙塵曉杳歌鐘晝誼亦復星沉電滅

閉影潛魂已矣哉桂華蒲兮明月輝扶桑曉

兮白日飛玉顏減兮螻蟻聚碧臺空兮歌舞

稀與天道兮共盡莫不委骨而同歸

### 惜餘春賦

天之何為令北斗而知春兮迴指於東方

士贇

曰鵬冠子斗柄東而天下知春水蕩漾兮碧色蘭歲蕤兮紅

芳試登高而望遠極雲海之微茫魂一去兮

欲斷淚流頰兮成行吟清風而詠滄浪懷洞

庭兮悲瀟湘何余心之縹緲兮與春風而飄

揚飄揚兮思無限念佳期兮莫展平原萋兮

綺色愛芳草兮如剪惜餘春之將闌每為恨

兮不淺漢之曲兮江之潭把瑤草兮思何堪

想遊女於峴北愁帝子於湘南恨無極兮心

氤氳目眇眇兮憂紛紛士贇曰韓詩內傳鄭交甫將南適楚遵彼

漢臯臺下遇二女佩兩珠大如荆雞卵與言曰願請子之佩二女與交甫交甫受而懷之

超而去十步循探之即之矣迴顧披衛情於

淇水結楚夢於陽雲士贇曰詩竹竿衛女思歸也適異國而不見答

思而能以禮者也泉源在左淇水在右女子月行遠兄弟父母來在高唐賦序昔者楚襄

王與宋玉游於雲夢之臺望高唐之觀其上獨有雲氣王問玉曰此何氣也玉曰所謂朝

雲者也昔者先王嘗遊高唐怠而晝寢夢見一婦人曰妾巫山之女也為高唐之客聞君

遊高唐願薦枕席王因辛之去而辭曰妾在巫山之陽高丘之岨旦為朝雲暮為行雨朝

朝暮暮陽臺之下旦而視春每歸兮花開花之如言故為立廟曰朝雲

已闌兮春改歎長河之流速送馳波於東海

春不留兮時已失老衰颯兮逾疾恨不得掛

長繩於青天繫此西飛之白日若有人兮情

相親去南國兮往西秦士贇曰秦在西

方故曰西秦見遊

絲之橫路網春暉以留人沈吟兮哀歌躑躅  
兮傷別送行子之將遠看征鴻之稍滅醉愁  
心於垂楊隨柔條以糾結望夫君兮咨嗟橫  
涕淚兮怨春華寄遙影於明月送夫君於天  
涯

愁陽春賦

東風歸來見碧草而知春蕩漾惚恍何垂楊

旖引綺切旒乃倚切之愁人天光清而妍和海氣

紛而芳新綵翠兮阡眠雲飄飄而相鮮演漾  
兮黃綠窺青苔之生泉縹緲兮翩綿見遊絲  
之縈煙魂與此兮俱斷醉風光兮悽然若乃  
隴水秦聲江猿巴吟士贊曰三秦記其坂九  
迴不知高幾許欲上者  
七日乃越高處可容百餘家清水四注下此  
言隴水之嗚咽如秦聲江上之猿啼如巴人  
之吟  
明妃玉塞楚客楓林士贊曰王昭君齊  
國王襄女也年十  
七獻漢元帝會匈奴遣使請一女子帝乃賜  
單于後觸晉文帝諱改為明妃漢邊有玉門  
陽關故曰玉塞  
楚客屈原也  
試登高而望遠痛切骨而傷

心春心蕩兮如波春愁亂兮如雪兼萬情之  
悲歡茲一感於芳節若有一人兮湘水濱隔  
雲霓而見無因灑別淚於尺波寄東流於情  
親若使春光可攬而不滅兮吾欲贈天涯之  
佳人

悲清秋賦

登九疑兮望清川見三湘之潺湲士贊曰山

梧之川其中有九疑山焉舜之所葬在零陵縣界巴陵縣有洞庭波瀟湘阮水皆共會巴

陵故號三江口三水流寒以歸海雲橫秋而

蔽天余以鳥道計於故鄉兮不知去荆吳之

幾干士贊曰交趾郡治龍于時西陽半規

映島欲沒澄湖練明遙海上月念佳期之浩

蕩渺懷燕而望越士贊曰意太白時在荆荷

花落兮江色秋風嫋嫋兮夜悠悠臨窮溟以

有美思釣鼇於滄洲無脩竿以一舉撫洪波

而增憂歸去來兮人間不可以託些吾將採

藥於蓬丘

士贊曰蓬丘即蓬萊山

○劔閣賦

送友人王炎入蜀

咸陽之南直望五千里見雲峯之崔嵬

士贊曰咸

陽而西至雍即長安也

前有劔閣橫斷倚青天而中開

上則松風蕭颯瑟颶有巴猿兮相哀旁則飛

湍走壑灑石噴閣洶湧而驚雷送佳人兮此

去復何時兮歸來望夫君兮安極我沈吟兮

嘆息視滄波之東注悲白日之西匿鴻別燕

兮秋聲雲愁秦而暝色若明月出於劔閣兮

與君兩鄉對酒而相憶

明堂賦

并序○太元殿之先也

昔在天皇告成岱宗改元乾封經始明堂年

紀總章時締構之未集痛威靈之遐邁

士贊曰唐

書高祖紀皇帝稱天皇皇后稱天后乾封元年正月戊辰封于泰山禪于社首以皇后為

亞獻通義泰山一名岱宗王者受命易政報

功告成於岱宗岱者代也東方萬物交代之

處又羣嶽之長唐書禮樂志高宗時改元總章分萬年置明堂縣示欲必立之而議者益

紛然或以為五室或以為九室而高宗依兩  
議與公卿臨觀而議不一乃下詔率意頒其  
制度至取象黃琮上設鸞尾其  
言益不經而明堂亦不能立  
天后繼作中

宗成之因兆人之子來崇萬祀之不業士贊曰唐

禮樂志至則天始毀東都  
乾元殿以其地立明堂  
蓋天皇先天中宗

奉天累聖纂就鴻勳克宣臣白美頌恭惟述

焉其辭曰

伊皇唐之革天創元也我高祖乃仗大順赫

然雷發以首之於是橫八荒漂九陽掃畔渙

開混茫士贊曰九陽謂九天之涯也景星耀

而太階平虹蜺滅而日月張士贊曰瑞星曰

狀如半月生於晦朔助月為明王者不敢私

人則見太階三台也每台二星凡六星虹蜺

陰陽之精雄士贊曰見欽若太宗繼明重光士贊曰見

重士贊曰廓區宇以立極綴蒼昊之頽綱士贊曰頽

顯天也元氣顯汗故曰顯  
天其色蒼蒼故曰蒼天  
淳風沕士贊曰穆鴻

恩滂洋士贊曰武義烜赫於有截

仁聲馭先合沓乎無疆士贊曰有若乃高宗

紹興祐統錫美神休傍臻瑞物咸薦元符剖

兮地珍見既應天而順人遂登封而降禪贊

曰張衡東都賦曰登封降禪齊乎黃軒將欲考有洛崇明堂惟

厥功之未輯兮乘白雲於帝鄉贊曰列子

至于帝鄉天后勤勞輔政兮中宗以欽明克昌遵

先軌以繼作兮揚列聖之耿光則使軒轅草

圖羲和練日經之管之不綫不質因子來於

四方豈殫稅於萬室乃準水臬倪結攢雲樑

土贊曰鄭玄曰於四角立植而縣以水望其

高下高下既定乃為位而平地也於所平之

地中樹八尺之臬以縣正之罄玉石於隴坂

空瓌姑回切材於瀟湘巧奪神鬼高窮昊蒼聽

天語之察察擬帝居之將將將將嚴正貌

雖暫勞而永固兮始聖謨於我皇觀夫明堂

之宏壯也則突兀曠曠乍明乍蒙像太古元氣

之結空巖力孔切從則孔切頽沓若嵬若業逆性切

似天闔地門之開闔爾乃劃岸士伯切嶺五伯切



以嶽立郁穹崇而鴻紛冠百王以垂勳燭萬

象而騰文宰惚恍以洞啓呼嵌口街切巖而傍

分又比乎崑山之天柱矗九霄而垂雲於是

結構乎黃道岩堯乎紫微士贊曰日有中道中道者黃道紫微

星絡勾陳以繚垣闔闔而啓扉士贊曰鈞陳後宮也

紫宮外營鉤陳星闔闔天門也崢嶸疾陵切嶷魚其切榮宇宙

兮光輝崔嵬赫奕張天地之神威夫其背泓

黃河垠漱清洛大行却立通谷前廓士贊曰大行山

名通谷在洛城南五十里遠則標熊耳以作揭豁龍門以

開關士贊曰熊耳山在宜陽之西龍門山名在西京河南縣點翠綵於

鴻荒洞清陰乎羣山及乎煙雲卷舒忽出乍

沒岌嵩噴伊倚日薄月雷霆之所鼓蕩星斗

之所仵板悲切仵魚乙切擎金龍之蟠蜿挂天珠

之碑即忽切兀勢拔五嶽形張四維士贊曰五岳大華衡

恒嵩也四維乾輗地軸以盤根摩天倪而創

規士贊曰地有三千六百軸樓臺崛區勿切吻弗文

坤艮巽四隅也

切以奔附城闕欽區金峯宜金而蔽虧珍樹

翠草含華揚粦目瑤井之熒熒拖玉繩之離

離士贊曰玉衡北掖知利華蓋以儻潏仰大

微之參差士贊曰天皇大帝上九星曰華蓋

帝之庭明擁以禁局橫以武庫士贊曰西方

之武庫也獻房心以開鑿瞻少陽而舉措士贊曰

天帝明堂布政之宮採殷制酌夏步雜以代

少陽者東方東動也室重重屋之名括以辰次火木之數士贊曰堂

象五行也木室於東北火室於東南金室於西南水室於西北重屋者正宮正堂若大寢也

壯不及奢麗不及素層簷岫其霞矯廣厦

鬱以雲布掩日道遏風路陽烏轉影而翻飛

大鵬橫霄而側度近則萬木森下千宮對出

熠乎光碧之堂古迥乎瓊華之室士贊曰

崑崙山北戶承淵山有墉城金臺玉樓相映

如流精之闕光碧之堂瓊華之室紫翠丹青

景雲瑞日朱霞九光錦爛霞駁星錯波沕千

西王母之所治也颯蕭寥以颼颼宵陰

鬱以櫛密含佳氣之青葱吐祥煙之鬱律九

室窈窕五闌聯綿士贊曰窈窕深也飛楹磊砢走拱

寅緣士贊曰寅緣山岳之岳雲楣立岌以橫綺綵楠攢

巒而仰天皓壁晝朗朱甍晴鮮頰欄各落偃

蹇霄漢翠楹迴合蟬聯汗漫杳蒼穹之絕垠

跨皇居之太半士贊曰爾雅穹蒼天也遠而望之赫煌

煌以輝輝忽天旋而雲昏迫而察之粲炳煥

以照爛倏山訛而晷換誇蓬壺之海樓吞岱

宗之日觀士贊曰泰山一名岱宗群岳之長也泰山東名日觀雞一鳴時見日

始欲出長三丈猛虎失道潛虬登梯經通天而直上

俯長河而復低士贊曰三輔黃圖有通天臺明堂者上通於天象玉

女攀星於網戶金娥納月於璇題士贊曰題

之頭皆以玉節言其英華相屬也藻井綵錯以舒蓬天牕

迄力翼而銜霓士贊曰薛綜曰藻井當棟中交木方為之如井幹也扶

標川而罔足擬跟絰而罷躋士贊曰說文跟

升也白躋要離歛矐而外喪精視冰背而中迷士贊曰

升也白躋



央士贊曰青陽總章玄堂大廟左天子大廟

寢之名蔡邕明堂論曰明堂者天子大廟所以崇祀宗祖以配上帝者也東曰青陽南曰明堂西曰總章北曰玄堂中曰大室故雖

有五名而主以明堂也取其宗祀之貌則曰清廟取其正室之貌則曰大廟取其尊崇則曰大室取其主則曰明堂取其四門之學則曰大學取其四面水流如壁則曰辟雍異名

而同事其實一也

發號施令采時順方其闡域也三

十六戶七十二牖士贊曰三輔黃圖明堂九室一室有四戶八牖凡二

十六戶七度筵列位南七西九士贊曰禮冬十二牖

人明堂度九尺之筵東西九筵南北七筵堂崇一筵五室凡室二筵白虎列序

而躩渠龜踞女夷青龍承隅而蚴於求蟻士

曰躩踞動貌曲禮云左青龍右白虎其深沈奧密也則赤燁堯必

切掌火招拒司金靈威制陽汁音光摧陰坤

斗主土據乎其心士贊曰配東方青帝靈威

黃帝合樞紐西方白帝白招拒北方黑帝汁光紀若乃熠燿五色張

皇萬殊人物禽獸奇形異模勢若飛動瞪直

切眇匹莧睢許規盱匈于明君暗主忠臣烈

夫威政興滅表示賢愚士贊曰睢仰目也盱張目也於是

王正孟月朝陽登曦天子乃施蒼玉轡蒼螭

臨乎青陽左个方御瑶瑟而彈鳴絲士贊曰月令孟

春之月天子居青陽左个乘鸞輅駕蒼龍載青旂服蒼玉展乎國容輝乎

皇儀傍瞻神臺順觀雲之軌俯對清廟崇配

天之規欽若盼嚮維清緝熙崇牙樹羽熒煌

歲蕤納五服之貢受萬邦之籍士贊曰五服即甸侯綏要

荒也張龍旗與虹旌攢金戟與玉戚延五更進

百辟舉珪瓚徂贊切獻琛帛士贊曰三公致仕有用其德行及年

高者一人為三老次一人為五更尚食具牢饌顯昂俯僂儼容疊跡

乃潔菹醢修粢盛士贊曰菹水草醢陸產之物奠三犧薦

五牲享于神靈太祝正辭庶官精誠鼓大武

之隱麟張鈞天之鏗鈞士贊曰大武周公孤作樂所為舞也

竹合奏空桑和鳴士贊曰孤竹竹之特生者空桑之琴瑟夏至日於澤

中之方盡六變齊九成羣神來兮降明庭士贊曰

曰六變而致象物及天神又若樂蓋聖主之

所以孝治天下而享祀宵冥也然後臨辟雍

宴羣后陰陽為庖造化為宰餐元氣灑太和  
 千里鼓舞百寮賡歌于斯之時雲油雨霈恩  
 鴻溶兮澤汪穢四海歸兮八荒會咤聒乎區  
 寓駢闐乎闕外羣臣醉德揖讓而退而聖主  
 猶夕惕若厲懼人未安乃目極于天耳下于  
 泉士贊曰淮南子下揆三泉上飛聰馳明無  
 遠不察考鬼神之神奧摧陰陽之荒下明詔班  
 舊章振窮乏散教倉毀玉沈珠卑宮頽牆使

山澤無間往來相望帝躬乎天田后親於郊

桑棄末反本人和時康士贊曰唐禮樂志皇

遂以耕籍田皇帝耕止三推諸王耕五推尚

書御九推籍田之穀歛而鍾之神倉以擬棗

盛皇后歲祀一季春吉巳享先蠶遂以親桑

皇后採三條命婦一品採五條二品採九條

建翠華兮萋萋鳴玉鑾之缺缺士贊曰上林

旗萋萋遊乎昇平之圃憩乎穆清之堂天欣

欣兮瑞穰穰巡陵於鶉首之野講武於驪山  
 之旁士贊曰漢書志曰自井至柳謂之鶉封

首巡陵者巡幸諸陵也驪山地名

岱宗兮祀后土掩栗陸而包陶唐

士贊曰栗陸陶唐皆

古帝王之號

遨遊乎崆峒之上汾水之陽吸沆瀣

之精英黜滋味之馨香貴理國其若夢幾華

胥之故鄉

士贊曰列子黃帝晝寢而夢遊於華胥氏之國華胥氏之國在弇州

之西台州之北不知去齊國幾千萬里蓋非舟車足力之所及神遊而已於是元

元澹然不知所在若羣雲從龍衆水奔海此

真所謂我大君登明堂之政化也豈比夫秦

趙吳楚爭高競奢結阿房與崇臺建姑蘇及

章華非享祀與嚴配徒掩月而凌霞由此觀

之不足稱也况瑤臺之巨麗復安可以語哉

士贊曰史記秦始皇作前殿阿房東西五百步南北五十丈上可以坐萬人下可以建五

丈旗越絕書吳王起姑胥之臺五年乃成姑胥即姑蘇也敢揚國美遂作

辭曰

穹崇明堂倚天開兮龍

力孔切

從

則孔切

鴻濛構

公回切

材兮

偃蹇垝

烏朗切

塤

母黨切

邈崔嵬兮

周流辟雍岌

魚及切

靈臺兮赫奕日噴風雷宗



祀盼蠻王化弘恢鎮八荒通九垓四門啓兮  
萬國來考休徵兮進賢才儼若皇居而作固  
窮千祀兮悠哉

大獵賦 并序

白以為賦者古詩之流辭欲壯麗義歸博達

王贊曰白者大白自稱也不然何以光贊盛美感天動神

而相如子雲競誇詞賦歷代以為文雄莫敢  
詆訐臣謂語其略竊或褊其用心子虛所言

楚國不過千里夢澤居其大半而齊徒吞若

八九三農及禽獸無息肩之地非諸侯禁淫

述職之義也士贊曰司馬相如子虛賦曰臣

夢雲夢者方九百里且齊東渚巨海南有瑯  
琊觀乎成山射乎之罘浮渤海遊孟諸左與  
肅慎為鄰右以暘谷為界秋田乎青丘徬徨  
乎海外吞若雲夢者八九於其胃中曾不芥  
蒂周禮天官大宰九職任萬民一曰上林云  
三農生九穀三農者平地山澤也

左蒼梧右西極考其實地周袤纔經數百長

揚誇胡設網為周陸放麋鹿其中以搏攫充

樂羽獵於靈臺之囿圍經百里而開殿門當  
時以為窮壯極麗迄今觀之何齷齪之甚也

士贇曰漢書楊雄傳孝成時羽獵雄從作羽  
獵賦明年又作長揚賦序云明年上將大誇  
胡人以多禽獸秋命右扶風民入南山山西自  
褒邪南歐漢中張羅網罟捕熊羆豪猪虎  
豹狍獲狐兔麋鹿載以檻車輸長楊射熊館  
以網為周法令胡人手搏之自取其獲上親  
臨觀焉是時農民不得收歛雄從至射熊館  
還上長楊賦藉翰林以為主人子墨以為客  
卿以諷漢書註

子則天下之山林禽獸豈與衆庶異之而臣

以為不能以大道匡君示物周博平文論苑

之小竊為微臣之不取也今聖朝園池遐荒

殫窮六合上贇曰上下四方為六合以孟冬十月大獵於

秦士贇曰通典開元三年蒐于岐州鳳泉場亦將耀威講武掃天

蕩野豈荒淫侈靡非三驅之意邪臣白作頌

折中厥美其辭曰

粵若皇唐之挈天地而襲氣母兮粲五葉之

歲蕤士贇曰葉世也五葉者唐興至玄宗凡五世惟開元廓海寓

而運斗極兮總六聖之光熙

士贊曰開元元

聖人受命必受斗極六聖者高祖太宗高宗中宗睿宗至元宗也

誕金德之

純精兮漱玉露之華滋文章森乎七曜兮制

作參乎兩儀括衆妙而為師明無幽而不燭

兮澤無遠而不施慕往昔之三驅兮順生殺

於四時

士贊曰周易曰王用三驅失前禽王注云禽越已則捨之

若乃嚴

冬慘切寒氣凜冽不周來風玄冥掌雪

士贊曰不

周者不交也言陰陽未合化也太史公曰十月周風居西北主殺月令孟冬之月其神

玄木脫葉草解節土囊煙陰火井冰閉

士贊曰霜

降之後生氣既衰草木枝葉皆理解也土囊

大穴也荆州記曰宜都浪山縣有山山有穴

口大數天為風井土囊當此之類也地理志

蜀郡邛州臨邛縣西南八里有火井鹽井也

欲出其火先以其家火投之須臾隱隱如雷

聲焰出通天光輝十里今無復見矣地理志

西河鴻門縣有天封苑火井祠火從地出

靈帝時井中冰厚尺餘史書之以為災

月也天子處乎玄堂之中滄八水兮休百工

士贊曰月令孟冬之月天子居玄堂左个是

滄八水也滄音滄寒也

考王制兮遵國風樂農人之閑

隙兮因校獵而講戎

士贊曰記王制天子諸侯無事則歲三田左傳春蒐夏苗秋獮冬狩皆於農隙以講事也校獵者人為欄校遮禽而獵取也

乃使神兵出於九闕天仗羅於四野徵水衡與林

虞辨土物之衆寡士贊曰水衡都尉主都千水及上林苑故曰水衡

騎颺掃萬乘雷奔梢扶桑而拂火雲兮刮月

窟而搜塞門士贊曰月窟者月所生也赫壯觀於今古業

搖蕩於乾坤此其大略也而內以中華為天

心外以窮髮為海口豁咽喉以洞開吞荒裔

而盡取

士贊曰莊子窮髮之北有溟海者天池也司馬曰北極之下無毛之地

太章按步以來往夸父振策而奔走

士贊曰淮南子

禹使大章步自東極至于西極二億三萬三千五百里步使豎亥步自北極至于南極二億三萬三千五百里步列子夸父不量力欲追日影逐之於隅谷之際渴欲飲大澤未至道渴而死棄其杖

足跡乎日

月之所通囊括乎陰陽之未有君王於是撞

鴻鐘發鑾音出鳳闕開宸襟駕玉輅之飛龍

歷神州之層岑

士贊曰尚書天傳曰天子將出則撞黃鐘之鐘唐書儀衛

志人君舉動必以扇出入則撞鐘庭設樂鑾  
 玉佩也又曰鈴也唐書車服志天子之車曰  
 王輅者祭祀納后所乘也青質玉錦木輅者  
 蒐田所乘也黑質漆之唐書百官志飛龍廐  
 日以八馬入營門之外中國名曰赤縣神州  
 赤縣神州內自有九州禹之序九州是也  
**遊五柞兮瞰三危挾細柳兮過上林**  
漢書鑿  
 屋有長楊五柞宮三危山在西裔郭攢高牙  
 璞曰細柳觀名也在昆明池南方  
**以總總兮駐華蓋之森森**  
士贊曰兵書牙旗者將軍之精唐書儀衛志唐制天子居曰衙行曰駕皆有衛有嚴羽葆華蓋旌旗罕畢車馬之衆盛矣  
**於**  
**是擢倚天之劍彎落月之弓崑崙叱兮可倒**

**宇宙噫兮增雄**

士贊曰文子曰上下四方之宇宙古往今來之宙大塊噫氣

其名爲風噫一戒切又音陰

**河漢爲之却流川嶽爲之生**

**風羽毛揚兮九天絳獵火燃兮千山紅**

士贊曰淮

南子曰天有九野中央曰鈞天東方曰蒼天  
 東北方曰變天北方曰玄天西北方曰幽天  
 西方曰昊天西南方曰朱天  
 南方曰炎天東南方曰陽天  
**乃召蚩尤之徒**

**聚長戟羅廣澤呵雨師走風伯**

士贊曰山海經蚩尤作兵

戈雨師畢星詩月離于畢俾滂沱  
 矣風伯箕星月離于箕風揚沙也  
**稜威耀乎**

**雷霆烜赫震於蠻貊**

士贊曰李奇曰稜  
 神靈之威曰稜  
**陋梁都**

之體制鄙靈囿之規格而南以衡霍作襟北

以岱恒作陞（士贊曰）周禮荆州之鎮山曰衡

霍山為南岳恒山北臨岱南俯趙東夾東海

而為塹兮拖西冥而流渠麾九州之珍禽兮

迴千羣以全（蒲汶）入聯八荒之奇獸兮屯萬

族而來居（士贊曰）淮南子天地之間九州八

南次州曰沃土西南戎州曰滔土正西弁州

曰弁土正中冀州曰中土西北台州曰肥土

正北濟州曰成土東北薄州曰隱土正東陽

州曰申土顏師古曰八荒者八方荒忽極遠

之雲羅高張天網密布且罟懸原峭格掩

蟻芒結蒙芒孔過而猶礙蟯子饒螟飛而不

度（士贊曰）蟻蒙小虫似蚋猶醯雞醯雞者甕

中之蟻蒙列子江浦之問生麼虫其名曰

蟯螟羣飛而集於蚊睫弗相觸也棲宿去來

蚊弗覺也蟻蒙蟯螟皆虫之至微細者以喻

網之彼層霄與殊榛罕翔鳥與伏兔從營合

技彌巒被岡金戈森行洗晴野之寒霜虹旗

電掣卷長空之飛雪吳駮走練死馬蹠血縈

衆山之聯縣隔遠水之明滅（士贊曰）韓詩外

門望之如一匹素練禮樂志大宛舊多善馬  
馬汗出如血一日千里顏師古曰蹠音大類

反使五丁摧峯一夫拔木下整高頽深平險

谷擺椿括開林叢噲噲乎門切而田疆古冶之疇烏乎甲切盡奔

突於場中士贊曰噲通也而田疆古冶之疇烏

獲中黃之黨士贊曰田疆古冶齊力士烏獲

者也越崢嶸獵莽蒼喑嗥乎交切風

旋電往士贊曰莽蒼脫文豹之皮抵玄熊之

掌批步結切狡先九切手猱挾三挈兩士贊曰莊

豹棲於山林伏於巖穴然且不免於網羅擲

辟之患是何罪之有哉其皮為之災也後麀

如彪貓食虎豹即獅子也出西域猱善援即

蒙貴也狀如雌而小紫黑色可畜健捕鼠勝

於貓九真日南皆既徒搏以角力又揮鋒而

出之亦獼猴之類號以鷓睨兮氣赫火而敵煙

爭先行魁胡甘切號以鷓睨屬此言拳封猱梯

士贊曰爾雅魁白虎鷓鷯屬此言拳封猱

獵徒氣盛如魁之號如鷓之睨也猱

謂能梟羊應叱以斃一至踣必默猱於點猱

也山海經曰其狀如人面長唇黑身有毛反踵見人則笑交廣及南康山中亦有此物大者長丈許淮南子堯時有獬豸為民害堯使弄下殺之爾雅獬豸類貙虎爪食人迅走

或碎腦以折脊或歆切普悶髓而飛涎士贊曰淮南子

雲臺之高墮者折脊碎腦而蟲蚩窮遐荒蕩

適以翱翔選江賦曰噴浪飛涎

林藪扼土伯白駕殪天狗士贊曰狼王逸曰其身九

屈有角鬻鬻觸害人也山海經天門山有赤犬名曰天犬其所下處有兵天狗之光飛天

流而為星日數十丈其疾如風聲如雷光如電吳楚七國叛時吠過梁野陰山有獸狀如狸白首名曰天狗食蛇脫角犀頂探牙象口其音如猫佩之可禦凶

掃封狐於千里揆力計雄虺之九首士贊曰宋玉招

魂賦蟪蛇蓊蓊封狐千里些雄虺之九首往來倏忽吞人以益其心些咋切則格騰

蛇而仰吞拖奔兕以却走士贊曰文子曰騰

兕似牛郭璞曰一角青色重千斤若王於是裁通天靡星旃

奔雷車揮電鞭士贊曰唐書禮樂志通天冠

養老之服也二十四梁附蟬十二首施珠觀

壯士之效獲顧三軍而欣然曰夫何神扶鬼

標之駭人也又命建夔鼓勵武卒士贊曰帝

王世紀黃



帝殺夔以其皮為鼓聲聞五百里雖輻良刃切輶令的切之已多

猶於六切勃怒而未歇集赤羽兮照日張烏號

兮蒲月士贊曰漢郊祀志黃帝鑄鼎成有龍垂鬚髯下迎黃帝帝上騎羣臣后官

從者七十餘人龍乃去餘小臣不得上悉持龍顛顛拔墮墮黃帝之弓百姓乃抱其弓與

龍顛故後世因名其弓曰烏號戎車韃韃以陸離古巨切騎

煌煌而奮發士贊曰張弩也鷹犬之所騰捷飛走

之所蹉蹶攫磨几雲切麇古瑕切之咆哮蹂豺貉

曷各切以挂格士贊曰磨麇也貉膏鋒染鐔填狸屬豺脚似狗

巖掩窟觀殊材舉逸羣尚揮霍以出沒別有

白貂音眉飛駿窮奇春俱切獬音瞞士贊曰山

狀如牛騾尾大聲名曰窮牙如錯劍鬣如叢

竿口吞及時朱切鉦市延切目極槍櫓碎琅弧攫

玉弩射猛彘透奔虎士贊曰山海經浮玉山有獸狀如猴四耳虎毛

牛尾音如犬吠名曰金鏃一發旁疊四五雖

鑿齒磨牙而致伉誰謂南山白額之足覩士贊曰

日服虔曰鑿齒齒長五尺似鑿亦食人晉周處傳南山白額猛獸為害處入山射殺之

揔八校搜四隅馳專諸走都盧士贊曰史記伍子胥求勇

士專諸見之公子光光使專諸置匕首炙魚之中以進食而刺王僚李奇曰都盧體輕善

緣者也漢書曰自趨丘妖喬林撒匹滅絕壁合浦南有都盧國

抄衛自咸御戶吾攬音豸音囚亦敦鼯乎

於峻崖頓毅營隻獲九縛於穹石士贊曰

赤黃色大尾啖鼠毅齧豕也獲似獮養由發猱而大色蒼黑能攫持人好顧盼

箭奇肱飛車士贊曰左傳養由基蹲甲而射

國之民能為飛車從風遠行湯時西風久下奇肱人車至於豫州界中湯破其車不以示

民後十年東風復至乃使乘車巧聒更羸妙遣歸其國去玉門之西一萬里

兼捕薄乎且墜之欲鴟牛浴於青雲落鴻

鴈於紫虛捎鶴千唐鵠漂鷓鴣彈地廬與神

居士贊曰更羸捕且古之善射者也鸚鵡山

小曰鴈鷓鴣鷓鴣水鳥也此亦吳斬飛鵬於

日域摧大鳳於天墟音區士贊曰日域日所

墟龍伯釣其靈鼈任公獲其巨魚士贊曰列

國有大人舉足不盈數步而窮造化之譎詭暨五山之所一釣而連六鼈

何神怪之有餘所以噴血流川飛毛灑雪狀

若乎高天雨獸上墜於大荒士贊曰言殺獲之多如天雨獸

也山海經大荒之中有山名曰大荒之山日月所入是謂大荒之野又似乎積

禽為山下崩於林穴陽烏沮色於朝日陰兔

喪精於明月士贊曰日名陽鳥月名陰兔思騰裝上獵於

太清所恨穹昊於路絕而忽也士贊曰顯氣顯汗也穹形

穹窿莫不海晏天空萬方來同士贊曰禮斗域儀曰君乘

士而王其政大雖秦皇與漢武兮復何足以

爭雄士贊曰此言雖秦皇漢武帝皆窮奢極侈之君不足比擬也俄而君

王茫然改容愀然有失於居安思危防險戒

逸斯馳騁以狂發非至理之弘術且夫人君

以端拱為尊玄妙為寶暴殄天物是謂不道

乃命去三面之網示六合之仁已殺者皆其

犯命未傷者全其天真雖剪毛而不獻豈割

鮮以焮輪士贊曰史記湯出見野張網四面祝曰自天下四方皆入吾網湯曰

喜盡之矣乃命去其三面祝曰欲左左欲右右不用命乃入吾網諸侯聞之曰湯德至矣

及禽獸郭璞曰粹染也孔安國曰鳥獸新殺  
曰鮮此即題註所謂羣獸相從不盡殺已被  
射者不重射不射其面不剪解鳳凰與鸞  
其毛凡出表者不逐之意  
切驚自谷兮旋騶虞與麒麟士贊曰雄曰鳳雌曰凰瑞應圖  
曰鳳凰者仁鳥也鸞騶鳳屬神鳥也騶虞義  
獸也白虎黑文不食生物有至信之德則應  
之麟瑞獸也庸身牛尾馬足黃色圓蹄一角  
角端有肉音中鍾呂行中規矩王者至仁則  
出獲天寶於陳倉載非熊於渭濱士贊曰天寶雞頭而  
人身齊世家尚窮困年老以漁釣西伯將出  
獵卜之曰所獲非龍非彫非虎非羆所獲霸  
王之輔於是西伯獵果得大於是享獵徒封  
公於渭之陽載歸立為師

勞苦軒行包騎酌酤韜兵戈火網罟士贊曰韜韜也

火焚也以然後登九霄之臺宴八紘之圃示不用

曰九霄者喻其高也開日月之扃闢生靈之

戶聖人作而萬物覩覽菟岐與狩教何宣成

之足數士贊曰左傳成王有岐陽之晒穆王

之荒誕歌白雲之西母士贊曰仙傳拾遺周穆王名滿少好神仙

之道常欲使車轍馬跡遍於天下以訪黃帝

馬乃乘八駿之馬觴西王母於瑤池之上王

母謠曰白雲在天道里悠遠山川間之將子

毋死尚能復來王谷曰予歸東上和治諸夏

萬民平均吾願見汝曷若飽人以淡泊之味

比及三年將復而野醉時以醇和之觴鼓之以雷霆舞之以陰陽

虞乎神明徂於道德士贇曰揚子學行篇耕道而得道獵德而得德

是獲張無外以為且豕大朴以為杙逸尺切士贇曰

也兔罟謂之且且猶遮也檝謂之杙磔也頓天網以掩之獵賢俊

以御極若此之符罔有不克使天人晏安草

木蕃殖六宮斥其珠玉百姓樂於耕織士贇曰唐

元宗開元二年焚錦綉珠玉於前寢鄭衛之

聲却靡曼之色王贇曰禮記鄭衛之音亂世

子娥猶靡曼者以樂化人靡曼柔弱也天老掌圖風后侍側士贇曰

曰列子黃帝夢遊華胥之國既悟召天老是

三階砥平而皇猷允塞士贇曰泰階者天之

陽和風雨時社稷神祇咸獲其宜天下大安是謂太平豈比夫子虛上

林長揚羽獵計麋鹿之多少誇苑囿之大小

哉方將延榮光於後昆軼玄風於邃古擁嘉

瑞臻元符登封於大山篆德於社首豈與乎

瑞臻元符登封於大山篆德於社首豈與乎

七十二帝同條而共貫哉君王於是迴蜺旌

反鑾輿訪廣成於至道問大隗之幽居士贊曰莊

子黃帝聞廣成子在空同之上故往見之我

聞吾子達於至道敢問至道之精又黃帝將

見大隗乎具茨之山方明為御昌寓驂乘張

若諸明前馬昆闡滑稽後車至襄城之野七

聖皆迷無所問途適遇牧馬童子問曰若知

具茨之山乎曰然若知大隗之所存乎曰然

黃帝曰異哉小童非徒知具茨之山又知大

鬼之所存請問為天下小童曰夫為天下者

亦若此而已矣又奚事焉余少遊六合之內

適有瞽病有長者教予曰若乘日之車而遊

於襄城之野今予病少痊且復遊於六合之

外夫為天下亦若此而已予又奚事哉黃帝

象掇玄珠於赤水天下不知其所如也

士贊曰莊

子黃帝遊乎赤水之塢登乎崑崙之丘而南

望還歸潰其玄珠使知索之而不得使離朱

索之而不得使喫詬索之而不得乃使罔象

罔象得之黃帝曰異哉罔象乃可以得之乎

分類補註李太白詩卷之一

天竺集



程